

sadjvwuz

Gojsaeh Caengz Gangj Liux, Bouxvunz Cix Youq Ndaw Rumzsa Byaij Mbouj Raen Lo

故事还没有说完，人却在风沙中走不见了

□ Geiq Doengh

(ciep geiz gonq)

Mwngz, dwg bouxvunz gou ndaej niemh baenzlai nanz, yienznaeuz cijdwg caemcingx dwk muengh, couhsuenq mbouj miz gijmaz vah gangj. Dou gawq lumj song boux vunzseng cix gig sug, youh lumj song boux vunzsug cix gig seng. Gvendaengz aicingz, sojmiz cajdeq cungj dwg dij, couhsuenq dwg gag luq swhegeij.

Cungj naeuz bouxcoz guhyoux

mbouj ndaej nanz, hoeng, youh dwg byawz hawj faenh cingz neix roengznamh?

Mwngz caeuq gou roxnaj daengz guhyoux mbouj mauhgvaq 15 ngoenz, vah mwngz caeuq gou doxlwnh mbouj miz 20000 cih, hoeng, gojsaeh gou geiqloeg gvendaengz mwngz miz 140 bien, 200000 cih.

Baihbaek

Baihbaek dwg aen singz gou youq, mbouj miz haij, mbouj miz va,

cij miz ngaeuzaeng gou gig gadog.

Gou maij baihbaek gou, de dwg dieg ciengx gou. Geijlai bi gou caeuq baihnamz lumjbaenz cij dwg yungh soujgih caeuq dennauj daeuj gyauhliuz, mbouj miz mbaw cibiuq baedauq, saeh neix hawj gou cibfaen siengsim.

Caeuq mwngz doxbiek liux, bien faenzcieng gou daengz seizneix cungj mbouj caengz raiz liux, fouzsoq aen gyanghwnz gou cungj mbouj rox

yienghlawz bae raiz.

Gizsaed, gojsaeh lij laebdaeb fazcanj roengzbae, gou gag ciengq go, youq laj daeng loh saekrongh henj byaij, ndaw fwngz dawz aen bingzlaeuj hoengq ngauz bae ngauz dauq……

Va hai youq seizhah gvaq buenq mwngz seiz, miz rumz iq cifiedfed, miz bouxvunz gou gyaetz.

Gou laebdaeb gangj gojsaeh gou, mwngz laebdaeb dwg cawjgiek gij gojsaeh gou gangj. (sat)

HAENH MOZ CINGAUH

赞颂莫振高

□ Cinz Yenniz Veiz Couyiz / 覃艳妮 韦伯怡

Moz Cingauh yaucangj,
Gangj daengz vunz cungj rox;
Dwen hwnj aen mingzcoh,
Cienzgoz cungj rox caez.

Gij gyauyuz Duh'anh,
Ndaej manhmanh guh ndei;
Moz yaucangj gwed geiz,
De ceiq miz goenglauz.

Moz Cingauh yaucangj,
Gungcanjdangj gaijmoz;
Buekmingh gauj gunghcoz,
Sinhoj ciuh vunz he.

Lingjdauj miz fanghfaz,
Gunghcoz ca ndaej haenq;
Bak gangj cungj guh baenz,
Vunz raen cij simfug.

Gunghcoz geijcib bi,
Mbouj miz ngoenzlawz daengx;
Guh saeh de gig haengj,
Mboujcaengz daengx saek seiz.

Hagseng de hix rex,
Doengzsae de hix bang;
De guh boux bangjyang,
Yangjdangdang gvaq vunz.

Gij doiq dangj saehnieb,
Daegbied yunghsim guh;
Gij saehcingz gyauyuz,
De fucwz dangqmaz.

Lingjdauj de hix dang,
Miz dangz de hix hwnj;
Gunghcoz de gig nwnh,
Mbouj raen de lwnh gvaq.
(caengz sat)



Yangzsoz funghgingj ndei baenzmaz

Bi 1972 ndwen 11, Veiz Gozcingh bae Gveilnz dakdaih bouxhek guekrog, fatyienh gij rug Fanden Yungzhuz yungh cenjcaz、boemh-daeuh'ien、gij daizgwnhaeux yungh buenz、duix、geng, cienzbouh dwg gij huqngvax Gingjdwzcin. De doiq gij goengdaeuz bumwnz dakdaih caeuq gij vunzgaemhong fanden naeuz: “Bwzliuz giz raeuz guh gij huqngvax hix ndei, sou wnggai bae gizde dinghcawx, vuenh gij huqngvax gizneix sou yungh bae, gaij yungh gij huq giz raeuz guh, it fuengmienh ndaej senhconz doxgaiq Guengjsae hawj vunzhak, lingh it fuengmienh hix dwg dingjrenz hong cauhsuh doxgaiq ngoenzyungh Guengjsae.”

Guengjsae lai ok gocuk, gig ndei guh dawh. Veiz Gozcingh lai baez naeuz gvaq, aeu gag cauhsuh daeuj yungh. Hoeng, miz duenh seizgan ndeu, ndaw gih yungh dawh dwg daj swngjrog yinh haeujdaeuj. Veiz

Gozcingh rox le gig hozndat, de youq baez hoih cangzveijvei gwnzde naeuz: “Raeuz miz daihbaj gocuk, vihmaz lij aeu daj swngjrog yinh dawh haeuj-daeuj yungh, nanzdauh Guengjsae lienz dawh cungj cauhsuh mbouj okdaeuj, caen dwg luenh damzgimz!” De yiemzsuk dwk raemh naeuz baez dem: “Gvaqlaeng mbouj ndaej caiq cawx dawh baihrog, mbouj miz dawh couh yungh fwngz daeuj vax aeu.” Gij bihbingz neix, gig saenqdoengh gij dungzci gaem hong cauhsuh doxgaiq ngoenzyungh, daj gwnz daengz laj,

cungj engqgya gag rox leihyungh gij swhyenz bonjdieg daeuj haifat doxgaiq ngoenzyungh lo.

Veiz Gozcingh gig gvansim gij huqdoj conzdungj gih raeuz ndaej dauqfuk caeuq fazcanj. De naeuz, youq sevei gaeuq, Guengjsae miz haujlai doxgaiq dinfwngz mingzbaiz vunz lai maij haenx, gou lij iq couh rox caxbyaek Lungzcouh okmingz, raeuz aeu caenhvaiq dauqfuk gij doxgaiq conzdungj mingzbaiz neix. Caxbyaek Lungzcouh ndaej dauq-cungz swnghean liux, bi 1972,

ginghgunghgiz daegdaengq soengq fag cax huqyiengh hawj de sawq yungh. De naeuz gunghyinz saefouq cauhsuh fag caxbyaek dwgrengz dangqmaz, genhciz aeu hawj ngaenz. Doeklaeng cangjgya hai mbaw fei he hawj de, dwg 1.44 maenz ngaenz. De lai baez cam dwg mbouj dwg aen ngaenz neix, boux dungzci soengq fei daeuj naeuz, gwnz haw couhdwg gai aen gyaq neix. De heuh vunzranz ciuq gyaq neix hawj ngaenz le, cij nyienh aeu sou fag cax neix.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangjsii Cioz Siengzcoub Liuz Gingliuj Cioz Siengzzen boiz